

22902 01

Uključak za 31 redovna sj.
15-10-2019

Na osnovu člana 25. stav (8), člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18) i člana 19. i 28. Statuta Općine Ilidža – Prečišćen tekst ("Službene novine Kantona Sarajevo", broj 33/10, 18/16), Općinsko vijeće Ilidža, na sjednici održanoj dana _____ 2019. godine, donijelo je

(prijedlog)



**ODLUKU O IZMJENAMA I DOPUNAMA
ODLUKE O PRISTUPANJU IZRADI
REGULACIONOG PLANA "GROBLJE VLAKOVO"**

Član 1.

Ovom Odlukom vrše se izmjene i dopune Odluke o pristupanju izradi Regulacionog plana „Groblje Vlakovo“ („Službene novine Kantona Sarajevo“, broj 7/19).

Član 2.

U članu 15. iza stava 3. dodaje se novi stav 4. koji glasi:
„Zabrana građenja ne odnosi se na izgradnju Centralnog objekta sa krematorijem i memorijalnim centrom, na zemljištu označeno kao k.č. 1132/1, 1127/2, 1134, 1135/2, 1137, 1133/1 K.O. Vlakovo (novi premjer), i izgradnju novog grobnog polja na zemljištu označeno kao k.č. 764, 765 i 766 K.O. Vlakovo (novi premjer), za koje se mogu izdati urbanističke saglasnosti na osnovu stručnog mišljenja Zavoda za planiranje razvoja Kantona Sarajevo.“
Dosadašnji stav 4. postaje stav 5.

Član 3.

Ova Odluka stupa na snagu danom objavljivanja u „Službenim novinama Kantona Sarajevo“.

*Predsjedavajući
Općinskog vijeća Ilidža*

Muhamed Omerović, s.r.

Broj:
Datum,

OBRAZLOŽENJE

Pravni osnov

Pravni osnov za donošenje ove Odluke sadržan je u odredbama člana 34. stav 1. i člana 39. stav 2. Zakona o prostornom uređenju ("Službene novine Kantona Sarajevo", broj 24/17, 1/18).

Članom 34. stav 1. Zakona o prostornom uređenju utvrđeno je da općinsko vijeće donosi Odluku o pristupanju izradi odnosno izmjeni i/ili dopuni planskih dokumenata, u konkretnom slučaju izradi Regulacionog plana „Groblje Vlakovo“.

Članom 19. i 28. Statuta Općine Ilidža ("Službene novine Kantona Sarajevo" broj 33/10 – prečišćeni tekst), propisana je nadležnost Općine Ilidža za urbano planiranje i upotrebu lokalnog zemljišta, odnosno da je Općinsko vijeće Ilidža nadležno za donošenje odluka, propisa i općih akata i da daje njihovo tumačenje.

Planski osnov

Planski osnov za donošenje ove Odluke je Prostorni plan Kantona Sarajevo za period 2003. do 2023. godine („Službene novine Kantona Sarajevo“, broj 26/06, 4/11 i 22/17), Urbanistički plan grada Sarajeva za urbano područje Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 1986. do 2015. godine („Službene novine Kantona Sarajevo“, broj 5/99, 14/00, 4/02 i 37/14) i Regulacioni plan „Groblje Vlakovo“ ("Službene novine Kantona Sarajevo", br. 18/90).

Razlozi donošenja Odluke

Razlog za izuzimanje zemljišta iz režima zabrane građenja za dio zemljišta u granicama Groblja Vlakovo za koje je donesena Odluka o pristupanju izradi Regulacionog plana „Groblje Vlakovo“ („Službene novine Kantona Sarajevo“, broj 7/19) iniciran je od strane KJKP „Pokop“ (pravno lice koje samostalno obavlja djelatnosti od posebnog društvenog interesa - sahrane i upravljanje grobljima). Potrebno je prije donošenja Plana stvoriti pravni osnov za izgradnju centralnog objekta sa krematorijem i memorijalnim centrom (na lokaciji postojećih kapela) sa površinom za parkiranje, i u istočnom dijelu groblja Vlakovo pravni osnov za izgradnju novog grobnog polja i prateće infrastrukture u cilju pravovremenog obezbjeđenja dovoljnog broja grobnih mjesta.

Za objekte koji se ovom Odlukom izuzimaju mogu se izdati urbanističke saglasnosti na osnovu stručnog mišljenja Nosioca izrade Plana.

IZMJENA I DOPUNA
ODLUKE O PRISTUPANJU IZRADI
REGULACIONOG PLANA "GROBLJE VLAKOVO"
- izuzimanje zemljišta iz režima zabrane građenja
(„Službene novine Kantona Sarajevo“, broj 7/19).

▭ Granica obuhvata

▭ Granice obuhvata izmjene

R=1:7000

